

Na tur colega di Dienst Warenkeuring en Hygiëne, Miembro di Topa y otro colega nan di DVG

Tema: rectificacion y disculpa

Oranjestad, 25 mei 2018

Apreciabel colega,

E ta algo hopi duro ora cu confiansa wordo kibra, y mas ainda na e momento cu nos tur ta den un causa pa mehoracion di nos situacion laboral, cu na lugar di uni mas, algo ta sosode cu ta foumenta sentimento nan di dolor, confusion y perdida di confiansa. Mi persona ta un professional, un hurista, pero mi ta hende. Hende ta debil y por comete error. Mi ta reconoce tambe cu mi a comete un error. Un error di a bai mucho confia tras di otro hende.

Berdad ta cu mi tawata hopi cansa anochi laat na cas y berdad ta cu mi no a para keto y lesa bon e contenido di un carta cu a bai pa director, Minister y miembro nan di TOPA. E carta ta trata bijlage 3, cu ta contene number y acusacion nan contra algun colega di DWH. Mi no a para lesa e carta y a bai confia y pura y mi a comete un grave error. Un error cu ta bai contra mi balornan como hende y como profesional. Pa e motibo ey y pa medio di esaki mi kier a pidi mi disculpa. E no ta corecto cu un carta, Bijlage 3 a bai pa director y Minister cu number y acusacion nan sin base. Mi a haci algo sin pensa y lessa drecha y a saca algo di number di nos como trahador cu no ta cuadra cu berdad y no ta corecto. Mi no ta sinti nada bon di esey. Mi ta gradici si, cu esnan menciona den e carta aki a acerca mi y a cuestionami dicon nan number a bai rond asina. Mi ta wak esey como un grandesa di nan parti di a haci esey. Mi ta admira nan pa esey.

E consecuencia di error aki, mi no por midí'e. Mi no sa te con leu e carta ey por a bai, pero un cos ta sigur y mi kier haci esaki bon cla pa tur hende. Mi no tin nada contra ningun colega aki na DVG y mi no kier tin tampoco. Mi a semper haci mi best pa yega na paz y awor pa un descuido di mi banda esaki a hiba na lo contrario. Mi a tuma contacto caba cu bureau di Minister cu nos ta anula e bijlage 3. Mi kier a pidi tur colega tambe pa haci mescos. Ami no ta para pa conflicto y acusacion sin base. Na esnan menciona den e carta mi kier a pidi dispensa pa mi error. Mi ta spera cu lo tin un espacio den boso curason, pa pordonami. Mi ta kere den Dios y cu e ta un Dios di Amor y pordon. Mi no por kita e dolor cu mi por a causa pa mi descuido, pero mi lo percura pa mas cu ta posibel pa anula loke no ta cuadra cu berdad.

Mi ta rectifica: BIJLAGE 3 ta un documento sin base y mi no ta para su tras. Mi ta ta kere tambe cu e berdad semper lo sali na cla y cu mi tin solamente aprecio, respet y cariño pa mi colega nan aki na DVG. Mi tin speranza cu tur esey cu ta biba den mi, cu tempo y hecho lo por remedia gran parti di loke a pasa. Mi no sa pa cuanto tempo lo mi mester paga pa e error aki na mi colega nan, pero mi ta pag'e, pasobra ta lo corecto.

Mi lo sigui percura pa e carta di disculpa y rectificacion aki yega tur unda e mester yega, pasobra e berdad, tardi of tempran semper lo sali na cla. Cu Señor trece pas pa nos tur.

Di e mas sincero di mi curason,



J. Purtt Dijkhoff